



Huw Irranca-Davies AS, Cadeirydd
Y Pwyllgor Deddfwriaeth, Cyfiawnder a'r Cyfansoddiad
Senedd Cymru
SeneddDCC@senedd.cymru

20 Gorffennaf 2022

Annwyl Huw

Hoffwn roi gwybod i aelodau'r Pwyllgor am roi caniatâd i Lywodraeth y DU wneud a gosod Rheoliadau Iechyd Anifeiliaid Dyfrol (Diwygio) 2022.

Mae'r Rheoliadau'n croestorri â pholisi datganoledig a byddant yn gymwys i Gymru. Gallai'r darpariaethau gael eu gwneud gan Weinidogion Cymru drwy arfer ein pwerau ein hunain. Bydd y Rheoliad yn ymestyn i Gymru, Lloegr a'r Alban ac mae cais tebyg am ganiatâd wedi'i anfon at Weinidogion yr Alban.

Caiff y Rheoliadau eu gwneud gan yr Ysgrifennydd Gwladol, drwy arfer y pwerau a roddwyd gan adran 38 o Ddeddf Pysgodfeydd 2020.

Mae swyddogion, fel rhan o Grŵp Polisi Iechyd Anifeiliaid Dyfrol y DU, wedi bod yn ystyried gweithrediad y ddeddfwriaeth ddomestig ac a ddargedwir, er mwyn gwella'r gyfundrefn i'w gwneud yn fwy hyblyg, effeithlon a llai beichus. Nodwyd nifer o welliannau gan gynnwys galluogi newidiadau yn gyflymach i'r Rhestrau canlynol:

- i. rhestrau o rywogaethau anifeiliaid dyfrol sy'n gweithredu fel fectorau ar gyfer clefydau anifeiliaid dyfrol rhestredig;
- ii. rhestrau o rywogaethau anifeiliaid dyfrol sy'n gallu dal clefydau rhestredig; a

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Lesley.Griffiths@llyw.cymru
Correspondence.Lesley.Griffiths@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

- iii. y rhestrau o rywogaethau y gellir eu mewnfario i Brydain Fawr o wledydd penodol, yn ogystal â pharthau o fewn y gwledydd hyn y gellir eu mewnfario ohonynt.

Bydd y diwygiadau'n diogelu statws iechyd anifeiliaid dyfrol Prydain Fawr yn well, ac yn lleihau'n sylweddol yr adnoddau sydd eu hangen i wneud y newidiadau hyn.

Mae deddfwriaeth a wneir o dan y Ddeddf Pysgodfeydd yn dod o dan 'eithriad' yng Ngorchymyn Deddf Llywodraeth Cymru 2006 (Diwygio) 2021, felly ni fyddai creu'r swyddogaethau cydredol plws hyn yn effeithio ar allu'r Senedd i ddeddfu yn y maes hwn yn y dyfodol, pe bai'n dymuno gwneud hynny.

Disgwylir i'r Rheoliad gael ei osod gerbron y Senedd ar 19 Gorffennaf 2022 gyda dyddiad cychwyn o 15 Awst 2022.

Er mai egwyddor gyffredinol Llywodraeth Cymru yw y dylai'r gyfraith sy'n ymwneud â materion datganoledig gael ei gwneud a'i diwygio yng Nghymru, y tro hwn, ystyrir ei bod yn briodol i sylwedd y diwygiadau fod yn gymwys i Gymru gan nad oes unrhyw wahaniaeth mewn polisi rhwng Llywodraeth Cymru a Llywodraeth y DU yn y mater hwn. Mae hyn yn sicrhau llyfr statud cydlynol a chyson gyda'r rheoliadau'n hygyrch mewn un offeryn. Rwyf o'r farn nad deddfu ar wahân ar gyfer Cymru fyddai'r ffordd fwyaf priodol o weithredu'r newidiadau angenrheidiol ac na fyddai ychwaith yn ddefnydd doeth o adnoddau Llywodraeth Cymru o ystyried blaenoriaethau pwysig eraill.

Rwyf wedi ysgrifennu yn yr un modd at Paul Davies AS, Cadeirydd Pwyllgor yr Economi, Masnach a Materion Gwledig.

Yn gywir



Lesley Griffiths AS/MS
Y Gweinidog Materion Gwledig a Gogledd Cymru, a'r Trefnydd
Minister for Rural Affairs and North Wales, and Trefnydd